

D. D.

12

DISSERTATIO GRADUALIS,
METHODOS NONNULLAS
MAGNETES
ARTIFICIALES
CONFICIENDI,
EXHIBENS,

QUAM

Suffr. Ampliss. Senat. Philos. in Reg. ad Auram Acad.

PRÆSIDE

MAG. ANDREA
PLANMAN,

Phys. PROFESS. REG. & ORDIN.

Publice examinandam sifit

JOHANNES LITHANDER,

SATACUNDENSIS.

In AUDITORIO MAJORI d. XXI. Julii A: i MDCCLXVI.

H. A. M. S.

ABOÆ,

Impressit JOH. CHRISTOPH. FRENCKELL.



§. I.

Inter observationes, quæ occasionem pri-
mum dederunt, excogitandi modum,
quo vis magnetica, absque magnete
in ferro excitari potest, omnino est referenda illa,
qua sæculo priori compertum fuit, virgas ferreas,
in certo situ, per longiorem temporis moram po-
fitas, hac vi tandem fuisse imbutas. Sic ex. gr. ob-
servavit D. CHEVALIER Massiliæ in Gallia axem
ferreum, cui campana erat adpensa, in molliori la-
pide per 420 circiter annos agitatum, densam con-
traxisse rubiginem, quæ diffracta & ab axe separa-
ta, egregiam vim magneticam prodidit. Hinc Cel.
DE LA HIRE de excitando magnetismo artificiali,
primus quantum quidem constat cogitare cœpit.
Tali autem id efficere conatus est experimento: in-
figebat lapidi mollioris consistentiæ plures virgas
ferreas, quarum aliæ vi magnetica prius erant im-
prægnatae, aliæ vero eadem vi destitutæ; clapo-
autem

autem decem annorum spatio, deprehendit virgas ferreas rubigine consumtas, lapidem autem, cui infixæ erant, in magnetem conversum (Mem. de l' Acad. Roy. 1705.). Post illum, alias alii ad eundem finem pervenienti vias tentarunt. Sic REAUMUR virgam ferream prælo compressam, huc illucque flectendo, magneticam reddidit (Mem. de l' Acad. Roy. 1723.). Idem effecit DU FAY, continuis mallei ictibus virgam ferream pulsando, vel eandem, alterutro sui extremo perpendiculariter contra ferrum, aut aliud quodvis durius corpus, tundendo (Mem. de l' Acad. Roy. 1728.). Hæc vero tentamina, quamvis sua non sint defraudanda laude, iis tamen premebantur difficultatibus, ut, quæ permanfura foret vis insignior, nonnisi post prælongam temporis moram excitari posset; quæ vero citius se prodidit, vivida quidem esset sed transiens. Quibus incommodis ut quacunque ratione obviam iretur, omnem moverunt lapidem assidui naturæ scrutatores; neque successus eorum conaminibus desuit.

§. II.

Eorum, qui magnetes mere artificiales insigni vi instructos, perbrevi tempore conficere docuerunt, primus habetur SERVINGTON SAVERY, Nobilis Anglus, qui jure censendus est, suis experimentis facem prætulisse Celeb. Viris KNIGHT, MICHEL, CANTON, ANTHEAULME, aliisque ad ea inventa, quibus artem conficiendi magnetes tantopere perfecerunt. Prolixum æque ac supervacaneum fo-

A 2 ret,

ret, singula inventa hic recensere, in primis cum
 SAVERYANA, MICHELIANA, & CANTONIANA diffuse sa-
 tis exposita habeantur in egregia diss. de Magn. ar-
 tif. quam J. BRANDER sub præs. Illustr. KLINGEN-
 STIERNA Upsal. 1752 publicæ luci dedit. Interim
 tamen haud abs re erit, nonnulla horum invento-
 rum, quæ aut cum ANTHEAULMEANIS aliquem nexum
 habent, aut simplicitate processus se commendant,
 vel leviter attigisse. Ut vero rem ordine persequa-
 mur, primum nobis recensenda sunt ea artificia,
 quæ adhibita sunt, ad excitandam *primam* seu *origi-*
nariam vim magneticam. Missis itaque SAVERIANIS
 operationibus, ceu valde incommodis, paucis dicen-
 dum est, qua ratione J. MICHEL Academicus *Can-*
tabrig. primam hanc vim produxit, in 6 virgis cha-
 lybeis mollibus & probe politis, long. $2\frac{1}{2}$ lat. $\frac{1}{4}$ poll.
 Interposuit nim. ille unam harum virgarum duobus
 parallelipipedis ferreis, utrumque long. circiter 4.
 ped. secundum meridianum magneticum collocatis,
 ita tamen ut versus boream paululum inclinarent;
 quæ parallelipeda vel igne vel percussione versas-
 se juvabit, felicioris successus caussa. Hanc deinde
 virgam, cuspide inferiori instrumenti cuiusdam fo-
 carii unidentis, pluries strinxit, ab illa, quæ ad se-
 ptentrionem vergebatur extremitate semper incipien-
 do; quæ virga sic prima quasi rudimenta virtutis
 magneticæ obtinuit. Seposita hac 3 alias virgas pa-
 ri modo magneticas reddidit. Utramque virgarum
 residuarum, unam post alteram, similiter paralleli-
 piedis interposuit, loco autem furcæ, ad easdem
 im-

imprægnandas, usus est quatuor illis vi magnetica
 jam imbutis. Imposuit nim. has sibi invicem in
 formam fasciculi, ita ut unicum quasi constituerent
 virgam, simulque observavit, quod duæ harum vir-
 garum ab uno latere, in eadem extremitate suos
 haberent polos austros, qua, duæ aliæ suos habe-
 bant polos boreos, & vice versa. Hunc deinde fa-
 sciculum virgæ imprægnandæ perpendiculariter ita
 imposuit, ut illius polus boreus respiceret hujus po-
 lum austrum & vice versa; frustulo vero ligneo in-
 ferne separavit fasciculum, ita ut virgæ interme-
 diæ angulum formarent admodum exiguum. Quo
 facto, fasciculo hocce sæpius antrorsum retrorsum
 que adfricuit virgam subjacentem. Ambas has vir-
 gas, tali modo fortius reliquis imprægnatas, in clas-
 sem retulit imprægnantium; duas vero de istis, quæ
 fasciculum constituebant, in earundem locum, inter
 parallelipipedæ substituit, quæ pari modo fœunda-
 tæ, residuis duabus imprægnandis inferviebant.
 Quod priora illa artificia in hoc experimento adti-
 net, eadem quoque imitatus est Cel. RICHMAN,
 ipsum vero adparatum aliquantum mutavit. In lo-
 cum nempe focarii ferrei substituit veru, & parva
 adhibuit fulcimenta ferrea, quibus lamellam im-
 prægnandam, inter parallelipipedæ, imposuit. Hac
 autem ratione, lamellæ chalybeæ majorem tribuit
 vim, quam eadem, methodo MICELIANA impræ-
 gnata, adquirere poterat. (Nov. Com. Ac. Sc. Petrop.
 T. IV. 1752 & 1753).

Aliam viam ingressus est Cel. CANTON. Pandas ille sibi curavit duodecim virgas chalybeas, sex e chalybe molli, unaquæque 3. poll. longa, 3. lin. lata, & $\frac{1}{2}$ poll. crassa, cum duobus frustis ferreis, utrumque dimidiæ longit. virgarum, ejusdem vero latit. & crass.; & sex alias duratas, long. 5 $\frac{1}{2}$ poll. lat. $\frac{1}{2}$ poll. & crass. $\frac{3}{4}$ poll. una cum duobus aliis frustis ferreis dimidiæ long. ejusdem vero lat. & crass. Tum superiori parti furcæ ferreæ, in situ ad horizontem perpendiculari posita, admovit unam virgarum mollium, ope filii serici læva probe tensi, dextra deinde sumxit forcipem focariam, cujus cuspipe inferiori, virgam hanc inferne sursum, sed non vice versa, duodecies circiter, secundum quodvis latus adfricuit; atque sic primam in illa vim excitavit, ita ut extremitas superior in polum australem, inferior vero in borealem evaderet, quam igitur, ad evitandam polorum confusionem, signo quodam notavit. Eodem plane modo, tres alias virgas minores imprægnavit. Binas residuas, inter frusta sua ferrea, situ sibi parallelo, ad distan-
tiam circiter $\frac{1}{4}$ poll. ita collocavit, ut poli diversi nominis uni eidemque frusto adjacerent. Quatuor priores virgas, in formam fasciculi modo nuper descripto disposuit, quem deinde fasciculum normaliter imposuit medio alterutrius parallelæ, eandemque ter quaterve antrorum & retrorum adfricuit. Ductus vero in medio sistere fecit. Quo facto, frustum ligneum, fasciculum inferne separans, removit, virgasque eundem constituentes, jam conjun-
ctas

etas in alteram transtulit parallelam, in qua eandem peregit operationem, quam iterum repetit in latera opposita, virgis conversis. Has virgas sic imprægnatas, interiores constituit in fasciculo sæpius dicto, ejusdemque extimas parallelas collocavit intra frustra ferrea, ut pari modo perstringerentur. Hæc denique operatio fuit repetita usquedum, numquidque par ter quaterve fuit adfrictum.

§. III.

Quod jam adtinet methodum, excitandi vim originariam, ANTHAULMEANAM (a) quæ A. 1760. ab Acad.

(a). Quam vide sis ipsius auctoris verbis hic transcriptam: Sur une planche inclinée dans la direction du courant magnétique, je place de file deux barres de fer quarre de quatre à cinq pieds de longueur sur 14 à 15 lignes d'épaisseur, limitées quarrement par leurs extrémités intérieures, ou qui se regardent, entre les quelles je laisse un intervalle de six lignes; j'applique à chacune de ces extrémités une espèce d'armure formée avec de la taulé de deux lignes d'épaisseur, de 14 à 15 lignes de largeur & une ligne de plus de hauteur, dont le côté, qui doit être appliqué à la barre, est limité entièrement plat; trois des bords de l'autre face sont taillés en biseau, ou chamfrain, le quatrième, qui doit excéder d'une ligne l'épaisseur de la barre, est limité quarrement pour former une espèce de talon; pour remplir le rest de l'intervalle, je mets entre ces deux armures une petit languette de bois de deux lignes d'épaisseur; tout ainsi disposé & placé comme je l'ai dit dans la direction du cou-

Acad. Scient. Imp. Petrop. præmio fuit condecorata, est illa egregia omnino variatio methodi MICHELIANÆ, binas virgas ferreas in meridiano magnetico collocatas, supponentis. Quo grandiores vero adhibentur virgæ, eo melius, ipso animadvertente auctore, procedit magnetismi excitatio. Exempli loco autem proponit, adhibenda esse parallelipipeda ferrea, utrumque longit. 4. vel 5. ped. crass. & latit. 14 vel 15 lin. quæ tabulæ cuidam affigantur, secundum unam eandemque rectam, ita ut extrema se mutuo respicientia, quæ probe lævigata & ad longitudinem normalia esse oportet, 6 lin. spatio a se invicem distent. Adplicetur deinde utriusque harum extremitatum lamella ferrea crass. 2 lin. latit. ejusdem ac parallelipipeda, altit. vero paululum majoris; reliquum quod superest spatii inter has lamellas frustulo ligneo impleatur. Tabula vero, cui impositus est totus hic adparatus, ita est collocanda, ut parallelipipeda hæcce, quoad declinationem & inclinationem in directione magnetica sint sita. Quo facto virga chalybea imprægnanda lamellis istis adfricitur, pluries promovendo illam secundum longitudinem antrosum atque retrorsum, lente & absque

rant magnetique, je glisse sur ces deux talons à la fois suivant la longueur des barres de fer, la barre d'acier, que je veux aimanter, la faisant aller & venir lentement d'un de ses bouts à l'autre, comme on feroit si on aimantoit sur les deux talons d'une pierre d'aimant. Vid. Auctoris, Mémoire sur les aimans artificiels.

que gravi pressione. Peracta hac frictione ab uno: quoque latere virgæ imprægnandæ, non absque vo- luptate deprehendetur, eandem hac ratione eximia donatam esse virtute magneticæ. Felicius experimen- tum succedet, si parallelipipeda ferrea in linea ma- gnetica sita prius candefiant & in eodem situ refri- gerentur. Juvabit quoque inferiorem extremitatem candelastam in aquis refrigerasse & contra durius quoddam corpus tutudisse; id quod Celebris naturæ scrutator WILCKE, in litteris ad Cel. Præsidem haud ita pridem datis, nos edocuit.

§. IV.

Excitata jam primaria vi magneticæ, dispicien- da sunt illa artificia, quibus vis ista ad summum virtutis gradum augeri possit. Hunc in finem adhi- bendæ sunt virgæ chalybeæ, probe duratæ, quippe quæ virtutis magneticæ maxime sunt capaces & te- naces. De modo autem virgas indurandi, auctores non convenient. CANTON suas virgas in pelvi quadam ferrea, longitudine virgas indurandas supe- rante, intra strata frustulorum corii, ex veteribus ealceamentis scissorum, disponit, atque sic placido committit igni; pelvi bene rubicunda facta, & ita spatio semihoræ servata, virgas ingenti aquæ quan- titati immergit. ANTHEAULME plures proponit indurandi modos, quibus tamen omnibus praferendam censet virgarum chalybearum, cerasini coloris igne factarum, refrigerationem in solutione salis am- moniaci. Quicquid horum sit, ingenue fatendum

B.

est,

est, indurationis modum, qui succedit in certa quadam chalybis specie, singulis tamen speciebus non convenire; id quod, plurimis in hunc finem institutis experimentis, expertus est Cel. WILCKE. Si itaque, semel induratis virgis, magnetismi communicatio expectationi non respondeat, repetenda est induratio, variatis pro re nata circumstantiis, quæ in diss. Om Jernets fôrvandling til Stål, sub præf. Celeb. GADD nuperrime hic ventilata, egregie atque erudite exponuntur.

§. V.

Quod jam ulteriore processum methodi MICHELIANÆ adtinet, disponantur 6 virgæ chalybeæ duratae in una serie, ita ut extrema singularum signata boreum respiciant. Fasculo deinde, ad modum in §. II. descriptum, composito ex 6 virgis molibus jam imprægnatis (§. cit.) & medio seriei sic imposito, ut latus, quod efficiunt virgæ polum astrum deorsum habentes, vergat versus extrema notata, tota series ter quaterve adfricitur. Tum, extremis intermediis factis, & vice versa, dicto fasculo quatuor solum intermediae stringantur, ne extremæ vim priori situ acquisitam amittant. Quo facto, convertatur tota series, pariterque adfricentur latera opposita primo intermediarum deinde extre- marum, in medio ut antea collocatarum. Induren- tur jam 6 illæ virgæ molles, quæ hactenus fuere imprægnantes, & induratae disponantur in una serie, ut pari modo magnetismo imbuantur a 6 istis nu- per-

perrime imprægnatis & in fasciculum rite constitutis. Alternatio vero, qua imprægnantes fiunt imprægnandæ, & imprægnatæ vicissim imprægnantes, eosque repetatur, quoad virgæ nullum amplius patientur virium augmentum. Si virgæ 6 poll. longiores sint imbuendæ, pluribus quam 6 imprægnantibus opus habet MICHEL; igitur vel hanc ob causam, ipsius imprægnandi methodum postponendam esse censemus CANTONIANÆ, quæ sequenti absolviatur processu: binæ virgarum duratarum, quarum jam in §. II. facta est mentio, parallelæ constituantur, intra ferrea ista frusta illis competentia (§. cit.) ita ut poli diversi nominis unum idemque frustum tangant. In fasciculum deinde disponantur 6 virgæ chalybis mollis, eademque utraque parallela modo in §. cit. descripto stringatur. Hisce sic imprægnatis, in earundem locum substituantur binæ aliæ virgæ duratæ, ut pari modo magnetismo imbuantur. Hoc facto, seponantur virgæ molles & in fasciculum componantur quatuor istæ novissime imprægnatæ, ut iisdem duæ residuæ adfricentur. Dumque ulterius pari prorsus modo fiat cum his virgis, ac cum molibus (§. cit.) factum est, evadet tandem unumquodque par ter aut quater adfrictum. Cum vero hoc pacto, virgis tantum magnetismi communicari nequeat, quantum recipere possunt; adhibet CANTON ultimo ductus, quos vocat horizontales: nempe manentibus binis virgis intra frusta sua parallelis, binas alias polis amicis conjungit, ac si unam eandemque constituerent rectam; has sic conjunctas, medio

alterutrius parallelæ imponit, observata tamen polo-
rum oppositione, h. e. ut polus boreus unius virga-
rum conjunctarum respiciat versus polum austrum
virgæ subjacentis, alterius vero polus auster versus
hujus boreum. Quo facto, utramque harum virga-
rum simul dicit in partes contrarias usque ad extre-
ma virgæ subjacentis. Translatis iterum imprægnan-
tibus in medium imprægnandæ, similis fiat ductus,
qui bis aut ter repetatur. Idem ductus agantur in
altera virga parallela, virgisque conversis in latera
opposita repeatantur. Fiant deinde imprægnantes im-
prægnandæ, atque continuetur hæc reciprocatio, do-
nec unum quodque par, ductibus his horizontalibus,
bis aut ter fuerit adfrictum. Quo facto habebunt
virgæ tantam vim, quantam recipere possunt,

§. VI.

Ut vero ad Cl. ANTHEAULME iterum redea-
mus; observare licet illius processum quasi composi-
tum esse ex MICHELIANO & CANTONIANO: præscribit
nempe ille quoque duodecim virgas chalybeas æqua-
lis magnitudinis atque probe induratas parandas es-
se, quarum decem magneticis factis (§. III.) reliquas
binas ita imprægniandas esse docet: scilicet unam
quamque virgam imprægnandam intra duas impræ-
gnatas collocat, ut binæ habeantur virgarum series,
inter se parallelæ, & a se invicem aliquot poli., pro-
ut virgarum fert magnitudo, distantes, nec non ter-
minatæ frustis suis ferreis in modum CANTONI (§.
V.) quo juxta observandum est, quod virgarum ex-
tre-

trema notata unius seriei dirigantur in contrariam plagam cum extremis notatis alterius seriei. Residuas vero & imprægnatas deinde in fasciculum disponit, eodem plane modo, ut habet MICHEL (§. III. & V.) quo utramque seriem fricari curat, sæpius antrorsum & retrorsum perpendiculariter ducendo hunc fasciculum ab uno seriei extremitate ad alterum. Hac frictione aliquoties repetita, ab utroque serierum latere, virgis pluries, absque ulla ordinis mutatione conversis; postremo dat seriebus ab utroque latere *ductus horizontales* a binis virgis imprægnatis, quas secundum longitudinem ad distantiam 2 lin. collocat in serie imprægnanda, habito eodem respectu polorum, ac habuit CANTON (§. V. ad fin.); in hac positione dein virgas imprægnantes, haud aliter ac si unam constituerent virgam, antrorsum & retrorsum, per totam seriem, pluries atque lente dicit, converisque seriebus ab oppositis lateribus eisdem peragit ductus.

§. VII.

Tandem ad recensenda levissima illa pericula, quæ nobis instituere lieuit, devolvimur. Paranda nobis curavimus bina parallelipipeda ferrea, utrumque long. circiter 4 $\frac{1}{2}$ ped. & crast. 10 lin. quibus rite dispositis in linea magnetica, in modum ab ANTHEAULME præscriptum (§. III.) mox deprehensus est in illis aliqualis magnetismus: scilicet virgæ chalybeæ, ab unoquoque latere, antrorsum & retrorsum, pluries secundum longitudinem, adfrictæ extremitatibus intermediis horum parallelipipedorum,

vim magneticam prodidere in levandis acubus minoribus; quamvis extrema hæcce nondum fuerint ornata armatura ista ferrearum lamellarum (§. III.). Quam primum autem armatura rite fuit applicata, mox quoque magnetismus insignior se prodidit, adeo ut eadem virgæ chalybeæ induratæ, decies vel duo decies ab unoquoque latere isti armaturæ adfrictæ, circiter 25 majus ferri pondus elevarent ac antea. Comparavimus nobis quatuor virgarum classes, variæ magnitudinis; unaquæque classis constabat virgis numero duodecim. Minimæ virgæ erant long. 3, poll. lat. 3. lin. & crass. $\frac{1}{2}$ lin. maximæ vero 5 poll. longæ, 5. lin. latæ, & $1\frac{1}{2}$ lin. crassæ. Hisce partim modo vulgaris, partim in solutione salis ammoniaci atque salis communis, induratis, nunc hanc, nunc illam methodorum allatarum adhibuimus, ad efficiendam aliam atque aliam classem magneticam, & quidem fere pari cum successu, aliis quadruplum sui ponderis, aliis aliquanto magis elevantibus. Nam aliæ virgarum deprehensæ sunt magis, aliæ minus capaces virtutis magneticæ, quamvis ejusdem fuerint magnitudinis, & eodem modo induratæ. Fecimus quoque periculum in consimili ferramento, quo methodus CANTONIANA in diss. cit. §. XI. emendanda proponitur; verum hoc pacto vix ullum virtutis augmentum in virgis deprehensem est; cuius rei rationem in ferro virgas imprægnandas interacente ponendam esse monet Celeb. WILCKE; quippe quo actio immediata harum virgarum in se invicem impeditur. Ceterum, saepius observavimus, unum virgæ latus majori do-

natum

natum fuisse vi præ reliquis; leges vero, quas natura
hac in re sequatur, plurimis adcuratissimis experi-
mentis sunt detegendæ, ad quæ instituenda, nobis &
otium, & adminicula necessaria defuerunt. Hæc ita.
que cum plurimis aliis circumstantiis, quæ nobilissi-
mam hanc materiam concernunt, in commodius tem-
pus, si Deo visum fuerit, pertractanda differimus;
coronidis loco, paucissima de præstantia magnetum
artificialium dicturi.

§. VIII.

Magnetes artificiales naturalibus præstare, quis-
que facile dabit, qui vel id solummodo perpenderit,
quod illi paratu sint facillimi, cum hi, in primis si me-
lioris fuerint notæ, difficulter omnino adquirantur.
Præterea virtus debilitata, aut prorsus amissa, facilius
excitabitur, & ad pristinam suam perfectionem re-
ducetur in magnetibus artificialibus, quam in natura-
libus, prout ANTHEAULME pulchre observat l. c.,
simulque addit, virgas cujuscunque magnitudinis, &
qualicunque vi imprægnatas, fortiori vi imbuere a-
lias virgas, ejusdem magnitudinis, quam grandiores
& maxime generosi magnetes naturales. Cumque
magnetes artificiales, ad quamcunque volueris for-
mam effungi facilime possint; patet illos infuper ad
varios usus naturalibus multo esse aptiores; sic ex. gr.
magnetes artificiales, imprægnandis acubus nauticis
optime inserviunt, quia non solum fortius impræ-
gnant, prout jam observavimus, verum etiam illo-
rum ope, ob formæ commoditatem, virtus magne-
tica, æqualiter distribui potest, per totam acum, in
qua

quā re, acuum nauticarum, ponenda est præstantia; quam vero æqualem distributionem, per magnetes naturales ægre admodum conciliari his acubus, testatur in hac re versatissimus ANTHEAULME. Præterea, detecta, nuperimis experimentis, virium magneticarum, ad tollendos vel saltim leniendos dentium dolores, efficacia, quām felix jam toties comprobavit eventus, constat, magnetes artificiales ob aptissimam, qua donari possunt formam (*) ad hunc finem obtinendum præferendos quoque esse naturalibus, quibus ea semper est danda figura, quam magnitudo lapidis, & polorum in illo situs requirunt.

Sed claudant hanc opellam egregiæ observationes, quas Celeb. WILCKE contigit colligere inter institendum experimenta magnetica, dolores dentium spectantia: nempe 1) erit dolor ex carie dentium, si experimentum succedit; 2) magnes probe applicandus est denti, in quo dolor sentitur; 3) nulla sanatio fit absque sensu algoris, stimuli, pulsus vel puncturæ in dente; 4) dolor intra spatium 4 aut 6 minutorum primorum lenitur, dummodo experimentum successu gaudet 5) redundunt hujusmodi experimentis virgæ magneticæ notabiliter debiliores.

(*) Doctor KLÄRICH, qui experimenta magneticæ cum successu Göttingæ instituit, eaque litteris, Mense Martio A. 1765 datis, publici juris fecit, exhibuit virgas chalybeas 6 poll. long. & 2 lin. lat., polumque boreum denti dolorifico probe applicavit, facie ad boream versa. Vid. Nov. Publ. Socieb. N, 33. A. 1765.